

XIII.  
**HISTORIA ORIENTALIS.**

DXCII.

B. G. (3) 85. 4.

Codex chartaceus saec. XVIII., foll. 187., quorum multa vacua sunt. Continetur:  
**Jo. Henr. Maii jun. Commentarius in Th. Goodwini Moses et Aaron ex ed. Hottingeri.**

Incip. fol. 11: *Ad Lib. 1. cap. 1. p. 39: Patres familias summi erant etc. Explic. (Ad p. 920) Meursius de tibiis c. 15.* Notata sunt haec in vet. Cat. bibl. Maianae: Commentarius doctiss. et fere absolutus.. dignus omnino qui in publicam lucem proferatur.

DXCIII—DXCV.

B. G. (3) 53. 53 a. 53 b 4.

Codex chartaceus sub finem saec. XVII. manu auctoris eleganter exaratus, tribus constans voluminibus, quorum primum est pag. numerat. 694., alterum 347 et tertium 775. Continentur:

מלתחה id est **De Re Vestiaria Hebraeorum libri quatuor**, quibus universum hoc argumentum ex ipsis Hebraicae antiquitatis fontibus, S. Codice, Targumim, seu paraphrasibus Chaldaicis et Syriacis, Talmude, Commentatoribus Biblicis et Talmudicis, aliisque scriptoribus idoneis, veteribus et recentioribus, pertractatur atque eadem opera innumera sacrae scripturae V. et N. T. loca exponuntur et illustrantur. Auctore Martino Mauritii, Pastore Effringensium.

Incip. *De re vestiaria Hebraeorum Libri 1. cap. 1. Studii hujus exponit rationem.* §. 1. *Anni jam sunt bene multi etc.* Explic. *Apud eos calceatum sedere, flagitium est.* Vol. III. p. 775 in margine inferiori haec leguntur: Absoluta est haec descriptio Solingae 1685 d. 26 Martii. — In Catal. Bibl. Maii manuscripto haec leguntur: Opus hoc praestantissimum ad editionem jam ab auctore paratum fuit et applausum eruditorum passim non exiguum consecutum est, prout ex praefixis viror. erudit. Epp. patet. Sed ob varia impedimenta dilata est editio usque ad auctoris obitum, qui in a. 1702 vel sequente incidit. Brevi post igitur ab heredibus missum ad Maium sen., veterem auctoris amicum ipsique plene concessum est: praecipuum Bibliothecae cimelion. — Volumini primo ad-sutae sunt Epp. Camp. Vitrinae, Joannis a Lente, Hilleri, Buxtorffii et Fechtii ad Mart. Mauritii. — Cf. A. Boehm Diss. de nonnullis Bibl. Acad. Msc. etc. Giss. 1717. 4. p. 5 sqq.

## DXCVI.

B. G. (3) 127. fol.

Volumen chartaceum saec. XVIII. eleganter exaratum et intra capsulam reconditum. Praecedunt ornamenta aurata et variis coloribus picta; tum sequitur inscriptio miniata. Inest:

**Calendarium perpetuum Arabicum** secundum observationes Aegyptiorum et Chaldaeorum. Turcice cum versione latina.

Incipit ab ann. Heg. 1180 (Ch. 1766.) et progreditur usque ad ann. 1295 (Ch. 1878). Inscriptio: *Traductio calendarii perpetui arabi iuxta astronomos Aegyptios atque Chaldaeos.* Cl. Vullers haec adnotavit: Videtur hoc calendarium in usum Turcarum christianae religioni addictorum scriptum esse, ut dies festivae Christianorum accuratius definiri possint. Long. 12' 3" 6". Lat. 1' 7" 4".

## DXCVII.

B. G. (3) 87b. fol. min.

Codex chartaceus a. 1344. charact. neschi elegantissime scriptus et passim vocalibus instructus, literis initialibus rubro pictis, paucis a recentiore manu in margine notatis, foll. num. 164., quorum 164a scriptura vacat. Foll. 139—146 inclus. desunt et duo folia non sunt signata, scilicet unum post-fol. 9., alterum post fol. 86. Titulus:

**Cadhi Ajâdhi** (قاضى عياض) compendium operis celeberrimi de Traditionibus Muhammedanorum, quod inscribitur Sahih (صحيح) et a doctore egregio Abu-l Hosein Moslim ben-al Hedschâdsch Koschairi ex urbe Nischabur (ابو الحسين مسلم بن الحجاج الغشيري النيسابوري) est compositum.

De hoc codice D. Vullers rogatus, haec ad me humanissime perscripsit: „Compendii nostri auctor Ajadh ben Musa Aljahsi Abulfadh, vulgo Cadhi Ajadh, eloquentia, iurisprudentia, multiplici eruditione et scriptis egregiis, vel ex doctissimorum hominum sententia, parem aevo suo neminem habuit. Septae, cui urbi plures annos praefuit, natus est a. H. 476 Ch. 1033 ibique ius praelegit. Marochi obiit a. H. 544 Ch. 1149. Librorum, quos scripsit, indicem exhibet Bibl. Escur. t. II. p. 112. Praeter compendium libri Sahih etiam Commentarios in eundem Doctoris Moslim librum scripsit, XXIX partibus comprehensos. — Compendium XXVII libris constat, quorum index in fronte libri bis scriptus reperitur. — Codex descriptus est a. H. 745 Ch. 1344 in urbe Hierosolyma a Muhammed ben Ibrahim ben Hafil, Hierosolymitano, sectae Schafiticae addicto.“ — Fol. 2 nomen possessoris adscriptum est: Georg Christoph Schlägerus. 1720. Fol. 160

haec leguntur: Diesen Alcoran (sic!) hat der sel. Herr General von Ziegler und Klipphausen, Erbherr auf Ober Cunewalde, letztens Commandant in Königstein, bei der Belagerung von Wien 1683 mit von den Türken erbeutet und solchen seinem damaligen Pfarrer Herrn Vatschild in Cunewalde geschenkt. Hernach ist dieses Msetum auf seinen Eydam und Successor im Amt, Herrn Christoph Schlägern gekömen und auch nach dessen Tod per haereditatem auf mich Zachariam Adlern, Pred. u. Catechetus in Neu Kiep als des letztern Eydam. 1742.

## DXCVIII.

B. G. (3) 57 b. 4.

Codex chartaceus saec. XVII. char. neschi scriptus sed vocalibus destitutus, foll. 177., quorum 174—176 vacua sunt scriptura. Continetur:

## Multeka (l-ebhor) i. e. confluxum marium. Arabice.

Est, ut cl. Vullers liberaliter mihi communicavit, compendium iuris Muhammedani ab auctore Ibrahim (Ibn Muhammed) Ibn Ibrahim Halebensi rogatu cuiusdam iuvenis studiosi oratione simplici et clara e libro Kudurii, El-Mochtar, El-Kenz et El-Wekajah (quae quatuor de iure Muhammedano opera κατ' ἐξοχήν El-Kutub el-arbaah i. e. quatuor libri appellantur) deinde etiam ex El-Hedajah et Medschma-el-bahreïn collectum. Libro praefixus est index capitula, a manu recentiori, ut videtur, adiectus. Margini et textui permultae adscriptae sunt explicationes et annotationes. Scriptor Ahmed ben Mahmud, cuius nomen in extremo codice legitur, librum absolvit a. H. 1086 Ch. 1675 in urbe Caesarea. — In fronte et fine codicis ab alio variae adiectae sunt definitiones, precesiones et traditiones lingua turcica et arabica scriptae.